

滿洲金石志

滿洲金石志補遺目錄

遼

馮從順墓誌

太平三年十月

僧智福墳幢

乾統九年

金

劉惟辛墳幢題名

大定二年

合懶烏主猛安印

天祐二年

四品印式

天祐八年

元

封五鎮山詔碑陰

大德二年

遼東明

詔碑陰

宣統八年

遼東都指揮劉清題名

永樂十九年

勅遼東都司修北鎮廟詔

洪熙元年有陰

遼東都指揮劉清題名宣德八年

祈雨祭告北鎮祝文

正統九年四月

賜崇興寺大藏經勅諭

正統十年二月

嗣位祭告北鎮祝文

成化元年

灾沴祭告北鎮祝文

成化十三年

又二

弘治六年

增修崇興寺碑

弘治七年

重修北鎮廟碑

弘治八年有陰

旱灾祭告北鎮祝文

弘治十八年有陰

即位祭告北鎮祝文

正德元年有陰

重修北鎮廟碑

正德四年有陰

災沴祭告北鎮祝文

正德八年

移武安王祠碑

嘉靖廿八年

即位祭告北鎮祝文

隆慶元年

又二

萬曆元年

重修北鎮廟碑

萬曆三十四年

目錄

重刊北坡集
 卷之六
 詩
 五言古詩
 八首

滿洲金石志補遺

上虞羅福頤校錄

遼

馮從順墓誌

高廣均三尺五寸三分三十一行行三十字正書蓋篆書信都郡馮氏墓誌之銘

大契丹國故上京戶部使埽義軍節度管内觀察處置等使
金紫崇祿大夫檢校太尉使持節沙州諸軍事沙州刺史兼
御史大夫上柱國信都郡開國侯食邑一千戶食實封一百
戶馮公墓誌銘 并序

中京留守推官守太子中舍宋復圭撰

今案馮氏之先世為令族周封之後代有鉅賢載彼芳編紀
於洪筆祖述德業曾無詭詞故卧錦為郎者唐應列星胥金

爲將者異稱大樹文武流裔善慶可徵者其惟 口太師

公之謂乎夫 公之列祖居於汾 公之入官仕於宋

載書世德備誌先塋 公諱從順字德柔本信都人也生

稟粹靈長爲奇傑卓尔古賢之操凜然君子之風 口号昭華

本是薦廟之用樂稱大護終爲治世之音故 宋主擢入

內庭遂縻好爵曳綬鸞 踰於兵旅 我冠鶚立於紫闥 君

上委臨權豪欽憚於統和十七年九月 承天皇太后金

壇拜將玉帳運籌因興丹浦之師直指黃河之渡 宋主以

公素負令器 口口宸聰爰委重權可屬大事 遂與瀛州兵馬

都統康保裔同駐軍旅來禦 王師十萬兵潰而見擒

一千載聖而合契遂卜入燕之計始堅事漢之心 今

聖上一見風儀有同勲 口置之左右副以對駮出則守宮闈

監帑藏剝繁劇於兩京入則繫行闕從鳴鑾恒

扈隨於

二聖與顯陵節度使郝德壽楚州節度使王仁

贇共列周行並承寵命至如車乘服玩臺館園林及威獲之

徒皆

國家所給規於名達孰謂等倫其歷官自西頭供

奉至頒給副使頒給武德皇城等使兩任知內承宣事中

上兩京內省使延州觀察使敦睦宮漢兒渤海都部署歸義

軍節度管內觀察處置等使上京戶部使階自銀青至金紫

勲自武騎至上柱國散官自國子祭酒工部尚書至司空太

傅太尉爵自男至開國侯封至一千戶實封一百戶公事

主忠勤在公廉直事無巨細威懾搢紳智力鮮儔聖明委

注而阜民治國方推金石之誠變谷遷陵難恡松椿之壽無

何於太平三年口月十五日寢疾薨於上京之公署享年五

十有七

皇情振悼士口悲酸咸謂玉苗秀而忽枯琪樹

芳而忍折初

公之染疾也賜翰林名醫盡針餌之術

宣掖庭近侍傳撫諭之辭

公之歸葬也命上京副留

守邢公定發引之儀中京度支副使李公備幽窆之禮伎巧
之匠寔自京師賻贈之資異於常品於太平三年歲次癸亥
十月辛酉朔十三日癸酉甲時葬於中京東公之別墅
禮也清河郡夫人張氏貞柔垂範婉俶承家方屬和鳴遽傷
失儷恒聆晝哭寔謂天窮有一子知玄譽擅肯堂痛嗟陟岵
夙承慈訓免遺投杼之憂載念義方空慟絕漿之泣今則靈
輜乍挽玄戶將扃辱見託以摘詞敢去華而就簡青鳥啓地
指幽隧以長歸玄琬鐫文紀佳城而不朽其銘曰

河瀆之靈川岳之精口口奇傑匡于聖明

金石之貞

珠玉之英

稟為節操

取于器名

□□三□

□繁兩京

□□廉慎

忠亮公清

方覩經國

□悲奠楹

因□□地

遂啓新塋

慮綿曠世

泯絕淑聲

鐫文貞石

用紀佳城

千齡万祀

永保斯銘

此石近出熱河今藏旅順博物館誌稱從順先仕于宋

統和十七年從瀛州兵馬都統康保裔率師禦遼兵敗

遂仕于遼案從順名不見于遼史康保裔則東都事畧

及宋史均有傳稱保裔洛陽人真宗初為高陽關都部

署契丹兵大入諸將與戰於河間保裔選精銳赴之會

暮約詰朝合戰遲明契丹圍之數重決戰二日殺傷甚

衆兵盡矢絕援不至遂歿焉遼史叶聖宗紀統和十七

年七月以伐宋詔諭諸道冬十月次瀛州與宋軍戰擒

其將康昭裔宋順獲兵仗器甲無算所載年月與誌正

合稽古錄皇宗十朝綱要續資治通鑑長編均記此役于咸平三年正月辛巳較誌遲兩月殆據呈報年月

也書之康昭裔殆保裔之兄弟行且仕于遼為昭順軍節

度使見聖宗紀統和十九年六月乙巳而不及從順疑宋順或即

馮從順譯音之異惜他無可徵耳誌稱與從順同官者

有顯陵節度使郝德壽楚州節度使王仁贇皆漢臣仕

遼而不見遼史者遼誌文多拙澀此尚明白可誦遼誌

中之佳構也文中亦有別構之字如第七行樂稱大獲

終為治世之音獲作護二十行皇情震悼士口悲酸震

作振此古刻中所習見者雖隋唐人不免不能專責此

誌也

僧智福墳幢

幢八面高三尺二寸三分七面刻字第一面額題佛頂尊勝陀羅尼曰正書二行下題名餘六面書梵文呪

府北郭長使寨僧智福幢子一所

年八十四生前記李拱昇

乾統九年立李世已

此幢近出熱河今歸旅順博物館幢稱僧智福幢子一

所年八十四是此幢乃立墳前者其風始於唐而盛於

遼金唐有乾符三年王夫人墓銘幢及咸通辛卯唐安

精舍尼澄素墳幢晉有天福七年張敬思墳幢宋有雍

熙四年趙郡李恕墳幢並其前例也

金

劉惟辛墳幢題名

高三尺四寸八面刻字第一面首題佛頂尊勝
陀羅尼幢下六面刻經咒末面題名四行正書

夫儒垂五典宣孝道呂居先釋演三乘表報恩而最上愚
既知之敢忘恩祐者矣是乃特建經幢分報洪恩唯願沉魂
滯魄速離幽壤之鄉朽骨遺骸冀有登天之路奉靈櫬於新
塋立銘幢為永記尊靈者劉惟辛妻王氏生二男長
男世詮妻張氏次男世口妻二李氏張氏女一張郎婦
石匠韓從正

大金國大定二年歲次壬午七月丙申朔初二日丁酉
乙峇孫男婦劉趙氏等建記

此幢原在熱河今歸旅順博物館銘稱奉靈櫬於新塋
立銘幢為永記則亦立之墳上者

合懶烏主猛安印

四品明左

對良應山自註安一明

對世

對

對

對

四品

對

對

對

對

印背鑿款二行曰貞祐二年十二月口造口側文一行



合懶烏主

猛安印

曰合懶烏主猛安印藏新京某氏考金史兵志金之初
年壯者皆兵部長曰孛董行軍則稱曰猛安謀克從其
多寡以為號猛安者千夫長也謀克者百夫長也部卒
之數初無定制太祖即位二年始命三百戶為謀克謀
克十為猛安嗣後所領戶數屢有增損百官志猛安從
四品掌修理軍務訓導武藝勸課農桑地理志上京路
所隸有合懶路此乃合懶路之猛安印也惟烏主於金
源國語為何義則不可曉矣金元官印若元帥監軍都
統總領提控萬戶諸印流傳不少猛安謀克均為世職
傳世甚罕從前於謀克印尚見二三品猛安則此印外
僅見熟伽泊猛安一印耳

四品印式

天泰八年二月分

四品印二寸三分

二厘五毫

官

天泰八年二月分

四品印二寸三分

二厘五毫

官

此官印式出吉林間島今歸日本文四行曰天泰八年
二月分四品印二寸三分二厘五毫官此當是鑄四品
官印大小之式案天泰乃金蒲鮮萬奴僭號見金史宣

宗紀十四載貞祐三年十月遼東賊蒲鮮萬奴僭號改

元天泰元年元史一太祖紀亦稱十年元史冬十月金宣

撫新元史作蒲鮮萬奴據遼東僭稱天王國號大真改

元天泰十一年丙子冬十月蒲鮮萬奴降以其子帖哥入

侍既而復叛僭稱東夏又二太宗紀五年癸巳二月詔諸

王議伐萬奴遂命皇子貴由等將左翼軍討之九月擒

萬奴則萬奴僭號凡十八年此天泰八年當金元光二

年也案萬奴印制必仿金源金史百官志五十載正隆

元年定制一品至九品印自方一寸六分半至一寸一

分四品印方一寸五分銅重二十兩此印款作二寸三

分二厘五毫萬奴印制或與金畧殊然金史所稱之一

寸五分疑二寸五分之譌以前載合懶烏主猛安印證